

აღმოსავლეთ ევროპის უნივერსიტეტი

სტუდენტთა უსაფრთხოების პოლიტიკა (Student Safety Policy)

I. მიზანი

- წინამდებარე პოლიტიკის მიზანია აღმოსავლეთ ევროპის უნივერსიტეტში სტუდენტებისთვის უსაფრთხო, ჯანსაღი და მხარდამჭერი სასწავლო და სოციალური გარემოს უზრუნველყოფა ინსტიტუციური პასუხისმგებლობის ფარგლებში.
- პოლიტიკა ადგენს პრინციპებსა და მექანიზმებს, რომელთა მეშვეობით უნივერსიტეტი უზრუნველყოფს:
 - სტუდენტთა ფიზიკური, ფსიქოლოგიური და ციფრული უსაფრთხოების დაცვას აკადემიურ და სამუშაო გარემოში;
 - ძალადობის, შევიწროების, ბულინგისა და სხვა საფრთხეების პრევენციას;
 - საგანგებო სიტუაციებზე ეფექტიან რეაგირებას.

II. მოქმედების სფერო

- პოლიტიკა ვრცელდება უნივერსიტეტის:
 - ბაკალავრიატის, მაგისტრატურისა და დოქტორანტურის სტუდენტებზე;
 - აკადემიურ, მოწვეულ და ადმინისტრაციულ პერსონალზე — სტუდენტებთან ურთიერთობის ნაწილში;
 - სტუმრებზე და მესამე პირებზე — უნივერსიტეტის სივრცეში ყოფნის პერიოდში.
- პოლიტიკა ვრცელდება:
 - უნივერსიტეტის შენობებსა და კამპუსზე;
 - საგანმანათლებლო, კვლევით და სტუდენტურ აქტივობებზე;
 - დისტანციურ და ჰიბრიდულ სასწავლო გარემოზე;
 - უნივერსიტეტის მიერ ორგანიზებულ ექსტრაკურსულურ ღონისძიებებზე.

III. სამართლებრივი საფუძველი

პოლიტიკა ეფუძნება:

- სტუდენტთა კეთილდღეობისა და უსაფრთხოების საერთაშორისო პრინციპებს;

- ევროპის უმაღლესი განათლების სივრცეში ხარისხის უზრუნველყოფის სტანდარტებსა და სახელმძღვანელო პრინციპებს (ESG), მათ შორის, სტუდენტთა მხარდაჭერისა და რესურსების მიმართულებით;
- მოქმედ კანონმდებლობას, უნივერსიტეტის წესდებასა და შიდა მარეგულირებელ აქტებს.

IV. ძირითადი ცნებები

1. **სტუდენტთა უსაფრთხოება** – სტუდენტთა დაცვა ფიზიკური, ფსიქოლოგიური, ემოციური და ციფრული საფრთხეებისგან.
2. **ძალადობა** – ფიზიკური, ფსიქოლოგიური, სექსუალური ან ეკონომიკური ზემოქმედება.
3. **შევიწროება** – ნებისმიერი არასასურველი ქცევა, რომელიც არღვევს პირის ღირსებას ან ქმნის მტრულ, დამამცირებელ ან შეურაცხმყოფელ გარემოს.
4. **ბულინგი** – არაერთგზისი, სისტემური დამამცირებელი, მუქარის შემცველი ან აგრესიული ქცევა.
5. **საგანგებო სიტუაცია** – გარემოება, რომელიც რეალურ ან პოტენციურ საფრთხეს უქმნის სიცოცხლეს, ჯანმრთელობას ან უსაფრთხოებას.

V. ძირითადი პრინციპები

უნივერსიტეტი ხელმძღვანელობს შემდეგი პრინციპებით:

- სტუდენტთა კეთილდღეობის პრიორიტეტულობა;
- პრევენციაზე ორიენტირებული მიდგომა;
- ნულოვანი ტოლერანტობა ძალადობისა და შევიწროების მიმართ;
- კონფიდენციალურობა და პირადი მონაცემების დაცვა;
- სწრაფი, პროპორციული და ეფექტიანი რეაგირება და მხარდაჭერა.

VI. უსაფრთხო გარემოს უზრუნველყოფა

1. უნივერსიტეტი უზრუნველყოფს:
 - კამპუსის უსაფრთხოების საბაზისო მექანიზმებს (შენობების კონტროლი, უსაფრთხოების წესები);
 - სტუდენტთა ინფორმირებას უსაფრთხოების წესების შესახებ;
 - ფსიქოლოგიურად უსაფრთხო სასწავლო გარემოს ხელშეწყობას;
 - ციფრული პლატფორმების უსაფრთხო გამოყენებას.
2. განსაკუთრებული ყურადღება ეთმობა:
 - შეზღუდული შესაძლებლობის მქონე სტუდენტების უსაფრთხოებას;
 - უცხოელი და მობილობის პროგრამებში ჩართული სტუდენტების მხარდაჭერას.

VII. პრევენცია და ცნობიერების ამაღლება

1. უნივერსიტეტი ახორციელებს:
 - ცნობიერების ამაღლების ღონისძიებებს უსაფრთხოების საკითხებზე;
 - საინფორმაციო კამპანიებს ძალადობისა და შევიწროების პრევენციის მიზნით.
2. საჭიროების შემთხვევაში ტარდება:
 - ტრენინგები პერსონალისთვის;
 - საინფორმაციო სესიები სტუდენტებისთვის.

VIII. შეტყობინება და რეაგირება

1. სტუდენტს უფლება აქვს კეთილსინდისიერად და საფუძვლიანი ეჭვის არსებობის შემთხვევაში უსაფრთხოების შესაძლო დარღვევის შესახებ აცნობოს:
 - ფაკულტეტის დეკანს;
 - ხარისხის უზრუნველყოფის სამსახურს;
 - უნივერსიტეტის მიერ განსაზღვრულ კონფიდენციალურ არხს.
2. შეტყობინებები განიხილება:
 - დაუყოვნებლივ და მიუკერძოებლად;
 - კონფიდენციალურობის დაცვით.
3. უნივერსიტეტი უზრუნველყოფს:
 - სტუდენტის დაცვას შურისძიებისგან;
 - საჭიროების შემთხვევაში შესაბამისი მხარდაჭერის შეთავაზებას.

IX. საგანგებო სიტუაციებზე რეაგირება

1. საგანგებო სიტუაციის შემთხვევაში უნივერსიტეტი:
 - ახორციელებს დაუყოვნებელ რეაგირებას;
 - უზრუნველყოფს შესაბამისი სამსახურების ინფორმირებას;
 - აწვდის სტუდენტებს მკაფიო ინსტრუქციებს.
2. საგანგებო რეაგირების პროცედურები დეტალურად განისაზღვრება შიდა ინსტრუქციებით.

X. მონიტორინგი და ანგარიშგება

1. პოლიტიკის განხორციელებას მონიტორინგს უწევს ხარისხის უზრუნველყოფის სამსახური.
2. უსაფრთხოების საკითხებზე აგრეგირებული ინფორმაცია შეიძლება აისახოს:
 - შიდა ანგარიშებში;
 - ინსტიტუციური თვითშეფასების დოკუმენტებში.

XI. დარღვევები და სანქციები

1. პოლიტიკის დარღვევა იწვევს პასუხისმგებლობას მოქმედი კანონმდებლობისა და უნივერსიტეტის შიდა წესების შესაბამისად.
2. სანქციები უნდა იყოს:

- პროპორციული;
- სამართლიანი;
- მოქმედ კანონმდებლობასთან შესაბამისი.

XII. პოლიტიკის რევიზია

1. პოლიტიკა ექვემდებარება გადახედვას პერიოდულად, მაგრამ არანაკლებ სამ წელიწადში ერთხელ.
2. ცვლილებები მტკიცდება წარმომადგენლობითი საბჭოს მიერ.
3. განახლებული ვერსია ქვეყნდება უნივერსიტეტის ვებგვერდზე.

XIII. ძალაში შესვლა

1. წინამდებარე პოლიტიკა ძალაში შედის წარმომადგენლობითი საბჭოს მიერ დამტკიცების დღიდან.